



Khuhu Na Dongololo



- ✍ Winny Asara
- ✒ Magriet Brink
- 🖨 Yvonne Mulovhedzi
- 💬 Venda
- 🔊 Level 3






Khuhu na dongolo zwo vha zwi dzikhonani. Fhedzi zwo vha tshi dzula zwi tshi tatisana. Linwe duvha zwa humbula u tamba bola u vhona uri ndi nnyi ano kona u fhira munwe.




Zwo ya luvhandeni lwa u tamba bola zwa thoma mutambo wazwo. Khuhu yo vha itshi khou tavhanya fhedzi dongololo lo vha li tshi khou tavhanyedzes. Khuhu yo rahela phanda fhedzi dongololo la rahela phandesa. Khuhu ya thoma u vhila la i tshi gungula.




Zwa humbula utatisana nga u kora bola ya khathulo. Lwa u thoma dongololo lo vha li wa u thivhela bola. Khuhu ya kora luthihi. Ha kona u vha tshikhathi tsha khuhu tsha u thivhela bola.



Dongololo la raha bola la kora. Dongololo la dirivhula bola la kora. Dongololo la I diya nga thoho la kora. Dongololo la kora lutunu.




Khuhu yo pfa vhavhesa nga u kundelwa hayo.
Dongololo la thoma u sea ngauri khonani yo vha yo
kwata.



Khuhu yo vha yo kwatesa lwe ya vula phapha
zwihiulwanesa ya mila dongololo.



Hezwi khuhu I tshi khou ya hayani ya tangana na mme a dongololo. Mme a donglolo vha vhudzisa vha ri, "No vhuya na vhona nwananga?" Khuhu a yongo fhindula tshithu. Mme a dongololo vha thoma u vhilaela.



Zwenezwo mme a dongololo vha pfa kuipfi kutuku.
“Kha vha nthuse mmawe!” ha lila liipfi. Mme a
dongololo la sedza thungo dzothe la thetshelesa
zwavhudi. Liipfi li khou bva nga ngomu ha khuhu.



Mme a dongololo vha vhidzelela, "Shumisa maanda a u o khetheaho nwananga!" Dongololo la ita munukho muvhi na u thetshela huvhi. Khuhu ya thoma u Iwala.



Khuhu ya boda. Nga murahu ya mila ya pfa. Ya dovha ya etsemula ya hotola ya hotola. Dongololo la nengisea!



Khuhu ya hotola u swika i tshi pfa dongololo le lavha li thumbuni yayo. Mme a dongololo na nwana walo zwa kuunguluwa zwa namela ntha ha muri zwa dzumbama.



U bva zwenezwo khuhu na dongololo zwi a vhengana.



Storybooks South Africa

global-asp.github.io/storybooks-southafrica

Khuhu Na Dongololo

Written by: Winny Asara

Illustrated by: Magriet Brink

Translated by: Yvonne Mulovhedzi

This story originates from the African Storybook (africanstorybook.org) and is brought to you by **Storybooks South Africa** in an effort to provide children's stories in South Africa's many languages.



This work is licensed under a Creative Commons
[Attribution 3.0 International License](https://creativecommons.org/licenses/by/3.0/).